



МѢСЯЦА НОЯБРЯ В 8-й ДЕНЬ

Собор
святаго Архистратига Михайла
и прочих Безплотных Сил

Аще храм собора святаго Архистратига Михайла или
изволит настоятель, творити бдение.

НА МАЛОЙ ВЕЧЕРНИ
На Господи, возвах:
стихиры на 4, глас 1.

Подобен: Всехвальный мученицы:

Безплотнии Ангели, Божию Престолу
предстояще, / и отонудными светлостьюми
облистаемы, / и светолитии вечно сияюще, и
свети бывающе втории, / Христу молитесь /
даровати душам нашим / мир и велию милость.

Безсмертнии Ангели, / жизни истинно неги-
бельныя от первыя приемше Жизни, всеблажен-
нии, / присносущныя славы, и святии зрителие
мудрости вечныя бысте, / света исполняеми и
свещи сообращаемы, / прилично показуеми.

Архангели, Ангели, / Начала, Престоли, / Гос-
подствия, и Серафими шестокрилатии, / и много-
очитии Херувими Божественнии, / мудрости
органи, / Силы и Власти Божественнейшии, / Хри-
сту молитесь / даровати душам нашим / мир и
велию милость.

Слава, глас 4:

Ангельских ликѡв чиноначальниче, / на Небесѣх Престо́лу предсто́я трисѡлнечнаго Божества / и богáтно осияваемъ Божественными светлостми, / испущаемыми непрестáнно оттѹду, / и нас, сущих на землѣ, трисвятѡе пѣние радостно поющих, / страстѣй мглы избáви / и просвещением уясни, Михайле Архистратѣже, / моли́твенниче о душа́х на́ших.

И ны́не, Богородичен.**На стихѡвне стихи́ры, глас 6.**

Подобен: Триднѣвен:

Архангельския силы, Христѣ, / Престо́лу предсто́яще Твоему́, / мо́лятся о родѣ человѣчестем. / Тех убо мольба́ми / языков дерзость низложѣ, / мир всем вѣрным подаѣ.

Стих: Твори́й А́нгелы Своѣ́ дѹхи / и слугѣ́ Своѣ́ пла́мень ѡ́гненный.

Окру́г Престо́ла всех Царѣ́ / прѣсно лику́юще, / А́нгелов чѣни, нас сохраня́йте, / вѣрою вас призыва́ющия, / и мучѣ́ния всех избáвите.

Стих: Хвали́те Его́ вси А́нгели Его́, / хвали́те Его́ вся силы́ Его́.

Оте́ц, И́же над все́ми Бог, / силы́ Небѣсных умѡв, / безѡбразны и невещѣственны, / певцы́ трисѡлнечныя сла́вы Своеѣ́, / и еди́нственное Сло́во, и Дух приведе́.

Слава, глас 6, самогласен:

Ангели Твоѣ́, Христѣ, / Престо́лу вели́чества в стра́се предсто́яще, / Твоѣ́м светода́нием прѣсно просвещаемы, / в Вы́шних певцы́ / и Све́та Твоего́ служители, от Тебе́ посыла́емы, / даю́т просвещѣ́ние душа́м на́шим.

И ны́не, Богородичен, подобен тѡ́йже:

Радуйся, Богороди́це Дѣво, / с Гавриѣ́лом, согла́сно Тебе́ вопиѣ́м: / Ты бо, ра́дость пѣрвую свѣ́ще приѣ́мши, / ра́дости вся ны́ испѡ́лни.

Тропарь, глас 4: Небесных воинств Архистратѣзи: *(зри страницу 220)*

Слава, и ны́не, Богородичен 1-й, гласа

НА ВЕЛИЦЕЙ ВЕЧЕРНИ

На Господи, воззвах: стихіры на 8,
глас 4.

Подобен: Яко дбля:

Трисолнечнаго Божества предстатель
светлѣйший, / Михайле, являясь, Архистратѣже, /
с Горними силами зовѣши, радуясь: / Свят еси,
Отче, / Свят еси, собезначальное Слово, / Свят еси,
и Святыи Душе, / едина слава, едино царство и
естество, / едино Божество и сила.

И вид твой огнен, и доброта чудна, / Михайле
первоангеле, / невестственным бо естеством пре-
ходиши концы, / исполняя повеления всех
Творца, / силен, в крепости твоей познаваемъ / и,
источник исцелений храм твой соделовая, / званием
твоим святым почитаемый.

Твори Ангелы Твоя, якоже писася, дѹхи / и
служащия Тебѣ пламень огненный, / посреде чи-
нов первенствующа показал еси, Господи, Твоих
Архангельских / Михаила Архистратѣга, / Твоим
мановением повинующася, Слово, / и песнь
трисвятую / со страхом возглашающа славе Твоей.

Ины стихіры, глас 4.

Подобен: Дал еси знамение:

Ум Предвечный свет состави вторый, / Гаври-
ила, Тебѣ причасти Божественными просвеща-
ющего всю вселенную / и юже от века открыва-
ющего нам / Божественную и великую истинно
тайну: / во утробе Воплощаемого девственной, /
суща Безтелеснаго и бывша Человека, / во еже
спасти человека.

Престолу предстоя трисолнечнаго Божества / и
богато осияемъ Божественными светлостьюми, /
испускаемыми непрестанно отгуду, / сущия на
земли, радостно ликующия и благохвалящия тя, /
страстей мглы избави и просвещением уясни, /
Гаврииле Архистратѣже, / молитвенниче о душах
наших.

Сокруши свирепства Агарянская, / на стадо
твое часто находящая, / устави раздоры Церквей, /
укроти бурю безмерных искушений, / избави бед и
обстояний любовью чтущия тя / и под кров твой

прибегáющия, / Гаври́ле Архистрати́же, / моли́твенниче о душа́х на́ших.

Сла́ва, глас 6. Византи́ево:

Сра́дуйтеся нам, вся А́нгельская чи́нонача́лия, / первостоя́тель бо ваш и наш предста́тель, / вели́кий Архистрати́г, / в днэ́шний день в честнѣм его хра́ме / пресла́вно явля́ясь, освяща́ет. / Тѣмже, по до́лгу воспева́юще, тому́ возопи́м: / покрѣ́й нас кро́вом крил твои́х, / велича́йший Миха́йле Арха́нгеле.

И ны́не, Богоро́дичен:

Сра́дуйтеся нам, вся дѣвственны́х ликостоя́ния, / Предста́тельница бо на́ша, и Хода́таица, / и Покро́в, и вели́кое Прибе́жище / в днэ́шний день в честнѣм Ея́ и Божѣственнѣм хра́ме / скорбя́щия утеша́ет. / Тѣмже, по до́лгу воспева́юще Си́ю, возопи́м: / покрѣ́й ны́ Божественным предста́тельством Твои́м, / Пречи́стая Богоро́дице Влады́чице.

Вход. Прокі́мен дне.

Иисуса́ Нави́на чтѣние (глава 5):

Бысть, егда́ бяше Иисус от Иерихо́на / и, возрѣв очима́ свои́ма, ви́де челове́ка, стоя́ща пред ним, / и меч его́ обнаже́н в руце́ его́. / И, прише́д, Иисус рече́ ему́: / наш ли еси́ или́ от сопроти́вных на́ших? / Он же рече́ ему́: / аз, Архистрати́г си́лы Госпо́дни, ны́не приидо́х се́мо. / И Иисус паде́ лицѣм свои́м на зѣмлю и рече́ ему́: / влады́ко, что повелева́еши твоему́ рабу́? / И рече́ Архистрати́г Госпо́день ко Иисусу: / разреши́ сапо́г твой от ног твои́х, / ме́сто бо, на нёмже ты стои́ши, свято́ есть. / И сотвори́ Иисус та́ко.

Судѣй Изра́илевых чтѣние (глава 6):

Бысть во дни о́ны, / укрепі́йся Мади́ам на сы́ны Изра́илевы, / и ти́и возопи́ша ко Го́споду Бо́гу; / и се Ангел Госпо́день при́иде и седе́ под дубо́м, / иже в Евфра́фе, в землі́ Ио́аса, отца́ Езримова, / и Гедео́н, сын его́, млатя́ше пше́ницу на гумне́, / еже бежа́ти с не́ю от лица́ Мади́амля. / И яви́ся ему́ Ангел Госпо́день и рече́ к нему́: / Госпо́дь с тобо́ю, си́льный кре́постию. / И рече́ к Нему́ Гедео́н: / во мне, Го́споди мой, и а́ще есть Госпо́дь с на́ми, / и

чесо ради обретоша ны вся злая сия? / И где суть
 вся чудеса Его, / елика поведаша нам отцы наши,
 глаголюще: / не из Египта ли изведе нас Господь? /
 И ныне отверже ны Господь и предаде ны в руку
 Мадиямлю. / И возре на него Ангел Господень и
 рече ему: / иди в крепости твоей сей / и спасеши
 Израиля от руки Мадиямли, / и се послах тя. / И
 рече к нему Гедеон: / во мне, Господи, в чем
 спасу Израиля? / Се тысяща моя худша в
 Манассии, / и аз есмь мни в дому отца моего. / И
 рече к нему Господь: / понеже аз буду с тобою, / и
 избиеша Мадияма, яко мужа единого. / И рече к
 нему Гедеон: / и аще обретох благодать пред
 очима Твоима, / и да сотвориши мне днесь
 знамение, / яко Ты глаголеши со мною. / Не отыди
 отсюда, дондеже прийти мне к Тебе, / и принесу
 жертву мою, / и пожру пред Тобою. / И рече к нему
 Ангел Господень: / аз есмь, и премедлю, / дондеже
 обратиши ты. / Гедеон же виде и сотвори
 козлище от коз / и четверть муки опресноков, / и
 вложи с мясом в кошницу, и юху вли в горнец, / и
 изнес к нему под дуб, и поклонися. / И рече к нему
 Ангел Господень: / возми мяса и хлебы пресныя / и
 положи у камене онаго и юху излий. / И сотвори
 тако. / И простре Ангел Господень конец жезла,
 сущаго в руке Его, / и коснися мясом и хлебом
 пресным, / и возгореса огонь из камене, и пояде
 мяса и опресноки, / и Ангел Господень отиде от
 очей его. / И виде Гедеон, яко Ангел есть
 Господень, / и рече Гедеон: / увы мне, Господи,
 Господи, / яко видех Ангела Господня лицом к
 лицу. / И рече ему Господь: / мир тебе, не бойся, не
 умреша. / И созда тамо Гедеон жертвенник
 Господу / и назва его мир Господень, / даже до дне
 сего.

Пророчества Исаиина чтение (глава 14):

Тако глаголет Господь: / вся земля да вопиет с
 веселием. / И древа Ливанова да возвеселятся о
 тебе, / и кедри Ливановы рекут: / отнеже ты
 уснул еси, / не взыде секий нас. / Ад доле огорчися,
 сретив тебе, / грядущу ти, / воздвиге на тя исполи-
 ны вся, / начальствовавшия землею. / Аще востали
 быша от престол своих вси царие язычестии, / вси

отвещают и рекут тебе: / и ты пленен еси, якоже и мы, / с нами же причтался еси. / Сниде во ад слава твоя / и многое твоё веселие, / под тобою постелют гнилость, и покров твой—черви. / Како спадё с небесё денница, заўтра возсиявающая, / сокруши-ся на зёмлю, посылая ко всем языком. / Ты бо рекл еси в помышлении твоём: / на небо взыду, / верху звезд небесных поставлю престол мой / и сяду на горе высоцей, / на горах высоких, сущих к северу. / И взыду вьшше облаков, и буду подобен Вьшшему. / Ныне же во ад снидеши, во основания земли. / И видевшии тя почудятся и рекут о тебе: / сей человек, смущаяй зёмлю, / потрясаяй царь, / положивый вселенную всю пусту, / и грады ея низложь, и плененных не разреши в дома их. / Все царие язычестии упоша в чести, / человек в дому своём, / ты же отвержен будеши в горах, яко мертвец, / возгнушен со многими мертвцы, / избодёнными мечем, низходящими во ад. / Имже образом риза, кровию намочена, не будет чиста, / сиче ниже ты будеши чист, / зане зёмлю мою погубил еси, / и люди моя поразил еси, / и не пребудеши в вечно время.

На литий стихирь, глас 1. Киприаново:

Умных сил Архистратизи, / предстояще непрестанно Владычню Престолу, / молитесь ко Господу / мир миру даровати / и душам нашим велию милость.

Арсениево:

Чинопачальник вьшних сил, / Михайл, перво-стоятель Божественных чинов, / днесь нас к торжеству созда, / иже всегда с нами ходяй / и сохраняй вся от всякаго диаволя обстояния. / Приидите убо, празднлюбцы и христорлюбцы, / цветы добродетелей вземше, / чистыми помыслы и совестью благостоянною / Архангелов собор почтим: / той бо, непрестанно Богу предстоя / и трисвятую песнь воспевая, / молит спастися душам нашим.

Глас 2. Студитово:

Невещественное существо, / Умных Сил предстательствующе / и трисолнечныя славы бли-

ста́ньми / светодающе вселенней, Архистрати́зи, / непреста́нным гла́сом трисвяту́ю пeснь воспева́ете. / Те́мже моли́тесь спасти́ся душа́м на́шим.

Глас тойже. Арсэниево:

Невещественный Престо́л окружающе, / умная существа́, Божественнии, безтелеснии, / трисвяту́ю пeснь правителю-Бо́гу / пла́менными устна́ми поетé: / Святы́й Бо́же, Отче безнача́льный, / Святы́й Кре́пкий, Сы́не собезнача́льный, / Святы́й Безсме́ртный, Единосу́щный Ду́ше, / Отцу́ и Сы́ну спрославля́емый.

Анато́лия:

Безтелесными устна́ми и умными усты́ / А́нгельстии чи́ни непреста́нное пение / прино́сят Твоему́ непристу́пному Божеству́, Го́споди, / и У́ми чи́стии и служителие Твоея́ сла́вы / хва́лят Тя, Го́споди. / С ними́же Михаи́л безтелесный, / и Гаври́ил zeló благоле́пнейший, / и первостоятелие Го́рних сил, / Архистрати́зи А́нгельстии, / учредителие на́ши днесь бы́ша, / пeсни пeсней повелева́юще нам пети́ / непристу́пней сла́ве Твое́й, Человеколю́бче, / Ейже мо́лятся непреста́нно за ду́ши на́ша.

Сла́ва, глас 4:

О́гненными устна́ми / пою́т Тя Херувими, Христе́ Бо́же, / безтелесными же усты́ немолчно славосло́вит Тя Арха́нгельский лик, / Михаи́л же, Архистрати́г Вы́шних сил, / победную пeснь непреста́нно прино́сит сла́ве Твое́й. / Той́бо нас днесь озари́ к торжеству́ светлomu / возбры́цати досто́йне псаломски хвалу́ трисвяту́ю брэнными устна́ми, / я́ко всяческа́я Твоего́ хваления́ исполнися, / и пода́еши ми́ру тем ве́лию ми́лость.

И ны́не, глас тойже.

Геор́гия Нико́мидийскаго:

Днесь Боговместимый храм—Богородица, / в храм Господень приводится / и Заха́рия Сию́ поды́млет. / Днесь святая святы́х ра́дуются, / и лик А́нгельский та́инственно торжеству́ет. / С ними́же и мы, пра́зднующе, днесь с Гаври́илом возопи́м: / ра́дуйся, Благода́тная, Господь с Тобо́ю, / имейя́ ве́лию ми́лость.

На стихóвне стихіры, глас 1.

Подóбен: Небéсных чинóв:

Ангельски в міре торжествующе, / сущему на Престоле славы Богу сидящему возопиим песнь: / Свят еси, Отче Небесный, / Свят еси, соприсно-сущное* Слово, / Свят еси, и Душе всесвятый.

Стих: Твори́й А́нгелы Сво́я ду́хи / и слуги́ Сво́я пла́мень о́гненный.

Небесным пер́вствуя в дерзновéнии мно́зем / и предсто́я Престо́лу стра́шному в сла́ве, / самовидче неизречéнных, / спаси́ ны, Миха́йле Архистрати́же, / сущия в ну́ждах бед и напáстей / моли́твами тво́ими, мо́лимся.

Стих: Хвалите́ Его́ вси А́нгели Его́, / хвалите́ Его́ вся си́лы Его́.

Безплóтных А́нгелов пер́вый еси́ / и служите́ль Божéственного светозарéния óнаго, / самовидец же и тайнник, / спаси́ ны, Миха́йле Архистрати́же, / лéтно** чту́щия тя благочéстно / и пою́щия Трóицу véрно.

Сла́ва, и ны́не, глас 8. Иоáнна мона́ха:

Яко чиноначáльник, и побóрник, / и А́нгелов началово́ждь, Архистрати́же, / всякия ну́жды и ско́рби, / недúгов и лю́тых грехóв свободи́ / véрно воспева́ющия и моля́щия тя, сла́вне, / я́ве***, я́ко невестче́ствен, Невеще́ственного зря, / и непристúпным Свéтом Влады́чния сла́вы осияе́мь: / Той бо человеколю́бно плоть нас ра́ди от Дéвы при́ят, / спасти́ восхотéв челове́чество.

Тропа́рь, глас 4: Небéсных во́инств: двáжды. И Богоро́дице Дéво: еди́ножды.

Тропа́рь, глас 4:

Небесных во́инств Архистрати́зи, / мо́лим вас при́сно мы, недостóйнии, / да ва́шими моли́твами оградите́ нас / крóвом крил невестче́ственных ва́шей сла́вы, / сохраня́юще ны, припа́дающия приле́жно и вопию́щия: / от бед изба́вите ны, / я́ко чиноначáльницы Вы́шних сил.

* соприсносущное — совéчное

** лéтно — ежегодно

*** я́ве — истинно

НА УТРЕНИ

На Бог Господь: тропарь: Небесных вои́нств: двáжды. Сла́ва, и ны́не, Богоро́дичен: Ёже от ве́ка утаёное:

По 1-м стихословии седа́лен, глас 1.

Подобен: Гроб Твой, Спа́се:

Престо́лу стра́шному предсто́яще прѣсно / и свѣтлыми заря́ми трисо́лнечно́го Божества́ осия́еми, / просвети́те ны, грехо́вный мрак отгоня́юще, / ваш собо́р пра́зднующия свѣтло, / и приле́жно моли́те изба́витися нам от бед, пресвѣт-ли́и моли́твенни́цы.

Сла́ва, глас то́йже.

Подобен: Ли́к А́нгельский:

Ли́к А́нгельский, Архистрати́га имѣя, Божѣ-ственна́го Миха́ила, / с ним Святѣ́й Трои́це прино-ша́ет * пѣ́ние, / от не су́щих бо Соде́тель вся́ческих вои́нства огнезра́чных чино́в сло́вом приведе́.

И ны́не, Богоро́дичен:

Упова́ние христиа́н, Пресвята́я Де́во, / Его́же роди́ла еси́, Бо́га, па́че ума́ и сло́ва, / непреста́нно моли́ с Го́рними си́лами подати оста́вление грехо́в на́ших всех / и испра́вление жити́я ве́рою и любóвию сла́влящим Тя.

По 2-м стихословии седа́лен, глас 2.

Подобен: Егда́ снизше́л еси́:

Посреде́ полко́в А́нгельских старѣ́йший яви́лся еси́, / Миха́иле Архистрати́же, / Вѣ́шняго Царя́ непреста́нно моли́ / до́льних мучи́телей горды́ню низложи́ти. / И, я́ко имѣя дерзнове́ние у Престо́ла огнезра́чнаго, / моли́ за ны непреста́нно, рабы́ тво́я.

Сла́ва, глас 4.

Подобен: Ско́ро предвари́:

Херуви́ми и Серафи́ми, многоочи́тая Арха́нжелов служи́телей вои́нства, / со Властьми́ Престо́ли, Господьства́, А́нгели, Си́лы же и Нача́ла / мо́лят Тя, Творца́ на́шего, и Бо́га, и Влады́ку, / да не прѣзриши мо́ления люде́й согрешивших, Бо́же Многоми́лостиве.

* приноша́ет — приносит

И ныне, Богородичен:

Дѣво Всенепорѣчная, Яже пресущнаго Бѣга рѣждшая, / со Безплѣтными Того непрестанно моли / оставленіе прегрешеній и исправленіе житія дати нам прежде конца, / верою и любовію поющим Тя по долгу, едина Всепетая.

Величание:

Величаем вас, / Архангелы, и Ангелы, и вся Воинства, / Херувими и Серафими, / славящии Господа.

По полиелѣи седален, глас 8.

Подобен: Премудрости:

Небесных чинѣв наставник, / служитель же славы Божественныя достойно быв повеленіем Зиждителя твоего, / христианом еси ходатай спасеный, / невестственною твоею славою земныя назирая. / Темже по долгу восхваляем тя вси, / Божественное твое днесъ воспевающе торжество, Михайле Архистратиге, / моли Христа Бѣга грехѣв оставленіе даровати / празднующим любовію святое твое торжество.

Слава, глас 4.

Подобен: Скоро предвари:

Ангельстии чини со страхом предстоятъ Престолу Твоему, Владыко Христѣ Бѣже, / и, иже оттуда зарями присно просвещаемы, песнь Ти немолчно победную воспевают, / ихже священными молитвами мир миру даруй / и душам нашим велию милость.

И ныне, Богородичен:

Чистая, и Всенепорѣчная, и Неискусомужная Дѣво Мати, / Яже едина безлѣтнаго Сына и Слова Божія в лѣто порѣждши, / Сего со Безплѣтными честными Небесными силами моли / даровати нам очищѣние грехѣв и велию милость.

Таже степенна, 1-й антифон 4-го гласа. Прокимен: Твориай Ангелы Свои дѣхи и слуги Свои пламень огненный. **Стих:** Благослови, душе моя, Господа: **Всякое дыханіе:** **Евангелие от Матфея, зачало 52. Слава:** Молитвами Архангелов: **И ныне:** Молитвами Богородицы:

По 50-м псалмѣ стихира, глас 6:

Ангели Твой, Христѣ, / Престолу величества во
страсе предстояще / и Твоим светолитием присно
осияваемы, / в вышних песнопевцы Твой / и совета
Твоего служителие, / от Тебе низпосылаемы, / дают
просвещения душам нашим.

Канон Богородицы, со ирмосом на 6, глас 8.
Ирмос по дважды: Поим Господеву, проведшему
люди Своя: писан во Октоихе, во осмом гласе. В
неделю на утрени третий канон. И Безплотных два
канона на 8. Первый канон, творение Иоанна
монаха, егоже краегранесие: Да торжествуем,
Богомудрии, похвалу собору Безплотных. Глас 8.

Песнь 1

Ирмос: Песнь возслем, людие, / чудному Богу
нашему, / свободившему Израиля от работы, /
песнь победную поюще и вопиюще: / поим Тебе,
Единому Владыце.

Вси воспойм, вернии, / вся управляющую не-
вещественныя Горних ликов чиновачалия, Троицу
несозданную: / Свят, Свят, Свят еси, вопиюще,
Боже Вседержителю.

Положил еси тварей Начало, существо Без-
плотное, Творче Ангелов, / пречистый Твой Пре-
стол окружающее, звати Тебе: / Свят, Свят, Свят
еси, Боже Вседержителю.

Радуйся, Гаврииле, тайновидче Божия
воплощения, / Михайле же, чинов не-
вещественных первостоятелю, непрестанно зовуще: / Свят,
Свят, Свят еси, Боже Вседержителю.

Богородичен: Трещу тайнства, Христѣ, Тво-
его снизхождения, / яко, Иже естеством Бог, приял
еси от Девы родитися яко Человек, / да спасеши
мир от работы противнаго.

Другий канон, творение тогожде Иоанна мона-
ха. Глас тойже.

Песнь 1

Ирмос: Колесницегонителя фараоня погрузи /
чудотвори иногда / Моисейский жезл, крестооб-
разно поразив / и разделив море, / Израиля же
беглеца, пешеходца, спасе, / песнь Богови воспе-
вающая.

Умныя Безплóтных чинóв ли́ки / пёсньми, я́ко служители Божёственныя, приидите, восхва́лим, лик совоку́плше, / о на́шем спасёнии непреста́нно моля́щихся и о покая́нии на́шем сра́дующияся.

Иже А́нгелов началовожди́, и предъизбра́ннии, и чиноначáльницы свётлии, / Безплóтныя умы́ днесь воздвигнут к наверхёнию пра́здника свётлыя их па́мяти, / с ни́миже ку́пно ра́дуются челове́цы, пёние Трóице принося́ще.

Да возвесели́мся со А́нгелы днесь, челове́цы, духо́вне в ра́дости: / Гаври́ил бо па́ки ны́не благовествует Цёрквей соединёние / и низложёние вся́кия протíвныя ёреси / в па́мяти Архистратíгов.

Богорóдичен: Раждáеши сущее па́че естества́, Пречíстая, / в Тебё всельшеся Отчее Сло́во Ду́хом Святы́м, / во дву́бо естества́х и хотёниих суща, / во Ипостáси же непрелóжно еди́ней, / Ея́же и зрак целу́ем.

Катав́асия: *Отвёрзу уста́ моя:*

Песнь 3

Ирмо́с: *Страх Твой, Го́споди, / всади́ в сердца́ раб Твои́х / и бу́ди нам утверждёние, / Тя во и́стине призыва́ющих.*

Кре́постию поста́вил еси́, Безсме́ртне, си́льныя, / соверша́ющая всесвяту́ю Твою́ во́лю, / Тебё в в́шних всегда́ предстоя́щая.

Та́инники Твоего́ вочеловёчения и честна́го воста́ния, / А́нгельския чиноначáльники, Христе́, за ны́ приими́ моля́щихся.

А́нгелы приста́вил еси́ хранители́ челове́ком, яко Благоутрóбен, / служители́ же показáл еси́, Христе́, спасёния Твои́х уго́дников.

Богорóдичен: *Неизречённо зачала́ еси́ Го́спода и Спа́са, Богоневёсто, / избавля́ющаго ны́ от лю́тых, Тя вои́стинне призыва́ющая.*

Ин

Ирмо́с: *Ты еси́ утверждёние притека́ющих к Тебё, Го́споди, / Ты еси́ свет омрачённых, / и поёт Тя дух мой.*

А́нгелов первей́ший и Трóицы свет вторы́й / яви́лся еси́ нам, Миха́иле нача́льниче, / ве́рно благохва́лящим тя.

Зарёю Божественныя благодати Гавриил вѣрно исполни всю зѣмлю, / Божіе проповѣдав в плоти пришѣствие.

Сопрут приснопеваемый и светозарная двоице невестственная, свѣты Божія, / вѣрно совершающія вашу пѣмѣть покажите.

Богородичен: Воспѣ Исая Твое, еже пѣче ума, Чистая, рождество, / пою и аз, да онаго получу очищения.

Седален, глас 8.

Подобен: Повеленное:

Небесных начальницы и первостоятеліе высокопрестольных и страшных, / Божественныя славы Михаиле и Гаврииле Архистратізи, / Ангелов чиноначальницы, со всеми Безплотными, / о служителие Владычнї! / О міре непрестанно молящеся, / испросите оставление прегрешенных нами, / и милость, и благодать обрести в день судный.

Слава, и ныне, Богородичен:

Богоблагодатная, Чистая, Благословенная, / благоутробиѣ ради щедрот из Тебѣ Рождшагося / с вышними Силами, и Архангелы, и всеми Безплотными моли непрестанно / подати нам прежде конца милостивно прощение грехов / и жития исправление, яко да обрящем милость.

Песнь 4

Ирмос: Всел еси на кони, апостолы Твоя, Господи, / и приял еси рукама Твоима узды их, / и спасение бысть еждение Твое / вѣрно поющим: / слава силе Твоей, Господи.

Всел еси на Ангелы, якоже на кони, Человеколюбче, / и приял еси рукою Твоею брозды их, / и спасение бысть еждение Твое непрестанно вопиющим: / слава силе Твоей, Господи.

Покрывает Ангелы добродетель Твоя, Человеколюбче, / и землі исполняет концы Твоего славнаго, Безначальне, Божественнаго хваления, / с ними Тебѣ вопиющи: / слава силе Твоей, Господи.

Ишел еси, Щедре, на спасение людей Твоих, Христѣ, / созываеши же други, Силы Твоя, / и веселие бысть пришѣствие Твое вѣрно Тебѣ вопиющим: / слава силе Твоей, Господи.

Богородичен: Дѣва и Мати преестѣственно явилася еси, Всечыстая, / яко Бѳга, Тогожде и Человѣка Хрїста, рѳждшая. / Емуже со страхом вопиютъ Ангельскія чїни: / слава силѣ Твоѣй, Господи.

Ин

Ирмос: Ты моя крѣпость, Господи, / Ты моя и сила, / Ты мой Бог, Ты мое радованіе, / не оставль нѣдра Отча / и нашу нищету посетив. / Тем с пророкомъ Аввакумомъ зову Ти: / силѣ Твоѣй слава, Человеколѳбче.

Во Иерихѳне явїся силы Господни Архистра-тигъ воюющему древле Иисусу Навїну, / победотвори и побѳрствуя, Михайл великій, Безплѳтныхъ начальникъ сый, / от негоже приѣмъ силу, слуга Господень, / копиѣмъ пленивъ, ят сопостаты.

Начальникъ некогда Безплѳтныхъ силъ явїся, нося чѳда благовѣщанія, / Захарїи иерѣю Гавриїлъ великій и Божѣственный истинно Архангелъ, / тѣмже гласъ Словесѣ родивыйся Иоаннъ отцу своему гласъ проглаголанія отдаѣтъ.

Радуются радостію вси концы земнїи днесь, / честную пѳмѳть праздноюще Архангеловъ Твоїхъ, Бѳже, / Михайла Божѣственного и Гавриїла Богомудраго; / срадуется же кѳпно и весь Ангельскїй чинъ, / яко сохраняется миръ покрѳвомъ ихъ.

Богородичен: Едина Чыстая пребыла еси и по рождествѣ, / едина тѳкмо явилася еси Безмужная, млекѳмъ питающая Слово Отчее истинное, / Дѳхомъ Святымъ приѣмшее рабий зракъ по намъ, Дѣво Богородице, / Егѳже, Божѣственное чтѳще зрака подобіе, почитѳемъ.

Песнь 5

Ирмос: Отъ нѳщи невѣденія / по душеловїтельному пути присно блудящаго, / свѣтомъ разума Твоегѳ, Господи, преднаставляя мя, / на стезю заповѣдей Твоїхъ направи.

Невозвратнымъ желанїемъ присно къ высотѣ, / къ тебѣ, Христѣ, носими, крайнейшему всехъ желанїй, / Ангельскія силы непрестанно Тя славятъ.

Ты умныя по существу, нетлѣнныя благодатию Твоею, Христѣ, / устроил еси песнопѣвцы Твоего величества, / Ангелы Твоя по образу соделав, Непостижиме.

Ты непреклонны на горшее к Тебѣ приближеніем, Христѣ, / сохранил еси Твоя слуги, / источник бо благодати Ты еси, / благотвориши достойно Тебѣ служащія.

Богородичен: Умерщвленную мою душу страстьми мѣрзкими, Всенепорочная, оживи, / жизни Хранителя рождающая, / и к стези вѣчной, и блаженней жизни управи.

Ин

Ирмос: Вскую мя отринул еси / от лица Твоего, Свѣте Незаходимый, / и покрѣла мя есть чуждая тьма, окайннаго, / но обрати мя и к свѣту заповѣдей Твоих / пути моя направи, молюся.

Непокаряющуюся древле Божіим неизреченным / и Божественным чудесѣм Валааму волхву, / на распутіи Ангел, ослу явився, страшно обличѣ / и, словесно животное показав, естества премеи познание.

Яту бѣвшу Петру и в темнице пребывающую, / Ангел явися Божій, от рук Иродовых, и уз, и смерти избавляя. / Тѣмже, приидите вси, яко душ хранители Божественныя, / мудрыя Архангелы да почтѣм.

Браней крамолы, Ангели, Архангели, Божественныя силы Божія, / и церковныя ереси, и вся соблазны вашими разрешите к Богу присными мольбами / и нас в міре соблюдайте.

Богородичен: Во дву существах Единаго Тя вѣмы, Бога твари, / дѣйствы обѣма и хотѣнии суща неслитна, Сына Божія, от жены плоть приимша, / Еяже образ почитаем на дщѣцах.

Песнь 6

Ирмос: Иону в ките, Господи, / единаго вселил еси, / мене же, связаннаго мрежами вражиими, / яко от тли онаго, спаси.

Благолѣпне от не сущих, Господи, / словом Твоим привел еси существа Небесных безсмертных воинов, / световидны тѣя соделовая.

Тайнницы честнии Божия хваления бѣсте,
Безплѣтнии, / граждане небесныя и Божественныя
истинно скѣнии, / Творцѹ достойно служаще.

Безплѣтных чѣни умнии / Тя, Сыне Божий
пребезначальный, хвалят непрестанно / и слово-
словят, яко Творца и Создателя всѣческих.

Богородичен: Со Отцем в вѣшних, Пречѣстая,
безначальне сѣдѣщаго, / на объятиих Твоих вос-
клонити сподобилася еси: / Егѡже нам подаждь,
Чѣстая, рабом Твоим, Милостива.

Ин

Ирмос: Очисти мя, Спасе, / многа бо беззакония
моя, / и из глубины зол возведи, молюся: / к Тебѣ бо
возопѣх, и услыши мя, / Бѡже спасения моего.

Яко огнь, и пламень, и свет, Безплѣтныя
сущия, / от вещественныя тли умом восперяеми, /
брѣнными устнами невестественныя со страхом
пѣсньми да почитѣм.

Умертвите страстей бѹри, Архангели, / и ути-
шите с ними возмущения вся на веру, / святии
Троицы сущи огнезрачнии Архистратѣзи.

Архангели Божии, Безплѣтных начальницы, /
предстательством вашим от всякия ереси нас
сохраните, / Михайле начальниче и Гаврииле,
Архистратѣзи.

Богородичен: Из утробы явился еси волею, от
Неискусомужныя воплощаемъ, / безплѣтен сый,
яко Бог, Христѣ, / плотоносец же, яко Человѣк, был
еси. / Егѡже подобия, вернии, вид почитаем.

Кондак, глас 2:

Архистратѣзи Божии, / служителие Божественныя
славы, / Ангелов начальницы и человеков
наставницы, / полезное нам просите и велию
милость, / яко Безплѣтных Архистратѣзи.

Икос:

Рекл еси, Человеколѡбче, в писаниих Твоих /
множеству радоватися Ангелов на Небесѣ / о
человеце едином кающемся, Безсмѣртне. / Тѣмже
мы, иже в беззаконных, Безгрѣшне, / единые
Сердцевѣдче, / Тя молити всегда дерзаем, яко
Благоутробнаго, / ущѣдрити и низпослати недо-
стойным умилѣние, Владыко, / подай нам

прощѣние: / о всех бо нас мо́лятся Тебѣ Безплѣт-
ных Архистратѣзи.

Песнь 7

Ирмос: *Отроцы еврейстии в пещи / попраша
пламень дерзновенно / и на росу огонь преложѣша,
вопиюще: / благословѣн еси, Господи Боже, во
вѣки.*

Свѣты явил еси, Щедре, Ангелов Твоих невесте-
ственное существо, / неизреченнаго свѣта испол-
няеми непрестанно, / благословѣн еси, зовущия,
Боже, во вѣки.

Ему́же предстоят непрестанно, служаще, тьмы
Ангелов, / лица же зрѣти не терпят зрѣния, /
благословѣн еси, зовуще, Господи Боже, во вѣки.

Словом Твоимъ Ипостаснымъ Ангельское есте-
ство соделал еси, / освятѣв же Божественнымъ
Духомъ, / Троицу Богословити научил еси, Боже, во
вѣки.

Троичен: Три убо, умствующе, Ипостаси *, не-
описанное славимъ Существо, / Отца, Слова со
Духомъ, вопиюще: / благословѣн еси, Господи Боже,
во вѣки.

Ин

Ирмос: *От Иудеи дошедше, отроцы / в Вавилоне
иногда / верою Троическою пламень пещный по-
праша, поюще: / отецъ Боже, благословѣн еси.*

С лики Безплѣтных и человѣческий род, / при-
идите, поклонимся в благознаменитый день сей, /
память совершающе мудрыхъ Архангеловъ
Христовыхъ, / Свят, Свят, Свят, поюще, Боже отецъ
нашихъ.

Яко страннолюбивии древле, Авраамъ Богови-
дец и Лотъ славный, учредѣша Ангелы / и обретоша
общение со Ангелы, зовуще: / Свят, Свят, Свят еси,
Боже отецъ нашихъ.

Манюю доблественному и Товиту премудрому
явившася Ангелы, / воздающе натрижненія ** жи-
тия по достоинству; / и отроковъ Ангел угасѣ
пламень иногда, / в пещи огненной сущихъ.

* ипостась — лицо

** натрижненіе — награда за подвиг

Богородичен: *Всё наше по существу от Девы понёсл еси, кроме изменения, Иисусе, / естество сугуба, но единого Ипостасию, отчески Ты проповедуем, / Егоже и вид верно почитаем, изображюще.*

Песнь 8

Ирмос: *На горе святей прославльшася, / и в купине огнем / Приснодевы Моисеови тайну явльшаго, / Господа пойте / и превозносите во вся веки.*

Ангельскому поревнуйм житию, и мысли вперим к высоте, / и с ними невестственно воспойм Господа, / поюще и превозносяще во вся веки.

Ликовственницы ликования Небеснии, / Престол обстоюще славы, / окрест Бога же всегда обращающиеся, / Ангели поют и превозносят Его во вся веки.

Невестственного огня творящей пламень, / на высоте непрестанно служащая, и Ангелы духи являющей, / Троице поклоняемся и славословим во вся веки.

Богородичен: *Емуже на Небеси предстоят с трепетом тьмы Ангел и Архангел, / Того на объятиих носить сподобилася еси, Богородице, / моли спастися славословящим Его во вся веки.*

Ин

Ирмос: *Седмерицею пещь / халдейский мучитель / Богочестивым нейстовно разжже, / силою же лучшею спасены сия виде, / Творцу и Избавителю вопияше: / отроцы, благословите, / священницы, воспойте, / людие, превозносите во вся веки.*

Начальник Ангелов бысть Михайл Архангел, / но славится с ним светлее тайнник благодати и Девы обручитель честный, / воевода Безплотных, достойно радость предвозвещая, Гавриил, вопиющим: / людие, превозносите Христа во вся веки.

Ангельския чины в различном зраце увидев, / Иезекииль, предсказуя, проповедаше: / в нихже шестокрыльнии Серафими предстояху, / и Херувими многоочитии окружаху, / с нимиже Архангелы

пресвѣтлыя зряще, / Христа́ славослѡвѣющія во вся вѣки.

Яко страшно пришѣствие втораго седалища Твоего́ явленнотворя, / Даниїл предглаголаше: / яко престѡли поста́вишася, и Вѣтхий седяше, и тьмы Ангелов ввождяше, / со страхомъ предстоѣющія и гласы немолчными вопиющія Трѡице во вся вѣки.

Богородичен: Отцу́ и Духу Единосущное, Слово волею явися, / и нам, из Дѣвы, сообразен, / не смесивъ в друг друга, яже страшнаго соединѣния: / Единъ бо и Тойжде во обоихъ показуется, / во дву существахъ и Единойъ Ипостаси. / Егѡже ныне подобія образу покланяемся.

Песнь 9

Ирмос: Уста́вы прешла́ еси́ естества́, / Содѣтеля зачѣнши и Гѡспода, / и дверь спасѣния мѣрови была́ еси́. / Темъ Тя, Богородице, / непрестанно велича́ем.

Тя, неизреченно соединившаго небеснымъ, Христе́, земная / и едину Церковь совершивша Ангеловъ и челоуѣков, / непрестанно велича́ем.

Ангели же и Архангели, / Престѡли, Власти и Господства, / Начала же и Силы, Херувими и Серафими, / с Богородицею о мѣре моли́теся.

Всехъ предстателие показующиися, Михайл с Гавриїлом, / посетите от любве́ чтущія всепраздственную пѣмѣть ва́шу и вѣрно воспевающія: / спаса́йте от всякаго обстояннѣя.

Богородичен: Ра́дуйся, святая́ Богоневѣсто! / Ра́дуйся, Светъ мѣру рѡждшая вѣрнымъ! / Ра́дуйся, стѣно́ и покрове́ всехъ нас: / Бѡга, яко́ Благодѣтеля, за ны непрестанно моли́.

Ин

Ирмос: Воистинну́ Богородицу, / Тя исповѣдуемъ, / спасѣнннѣи Тобѡю, Дѣво́ Чистая, / с Безплѡтными лики́ Тя велича́юще.

Недугующихъ, и плавающихъ, и сущихъ в нѣждахъ / ко спасѣннѣю побѡрницы явѣстѣся, / Безплѡтныхъ пѣрвиѣи, Михайле́ и Гавриїле́.

Сил и Престо́лов Божественных слико́вственник, / я́ко Воево́да А́нгельский и тайнник Бо́жий, / о нас Спа́су, Гаври́ле, моли́ся.

Я́ко храните́лие ми́ра и Це́ркве / и чинонача́льницы Вы́шних сил, / о нас Спа́са умоли́те.

Богоро́дичен: Согла́сно, Богоро́дице, Тя славосло́вим, / я́ко от страсте́й и бед спасае́ши ны / и на́ша моле́ния во благих исполня́еши.

Светилен.

Подобен: Ду́хом во святи́лици:

Огненных, Архистрати́же, слуг предста́тельство от О́тца при́ял еси́, Миха́йле, све́тов, / тем и сия́ние Того́ сла́вы сия́ющее има́ши, / о́кру́г пречи́стаго Престо́ла ты предста́, / я́ко пе́рвый Невещественных чино́в.

Сла́ва:

Подобен: Со ученики́:

Невещественных Сил, Арха́нгел и А́нгел, / Господьств, и Престо́л, и Нача́л предста́тель пред Бо́гом постоя́нный, / Архистрати́же Божественне, Миха́йле пресла́вне, / нестерпи́мому бо Престо́лу предста́й, / покрый, соблюди́, сохрани́ и спаси́ вся, ве́рою тя почита́ющия, / мирска́го предста́теля.

И ны́не, Богоро́дичен:

Честне́йшая еси́ Херуви́м сла́вных и Серафи́м, Всепе́тая, / стра́шных без сравне́ния сла́внейшая / и всех свята́х А́нгел свята́йшая, Пречи́стая: / Зижди́теля бо всех плоти́ски неизрече́нно родила́ еси́, Богоро́дице. / Егóже моли́ рабо́м Твои́м разреше́ние дарова́ти прегреше́ний.

На хвали́тех стихи́ры на 4, глас 1.

Подобен: Небе́сных чино́в:

Небе́сных чино́в я́ко преднача́льника / и су́щих на земли́ челове́ков крѣпкаго тя предста́теля, / храните́ля же и изба́вителя / воспева́ем ве́рно, Миха́йле Архистрати́же, / моля́щися всякия тлетво́рныя боле́зни нас изба́вити.

Чинонача́льник сый го́рних Божественных сил / днесъ созыва́ет челове́ческия ли́ки / еди́н со А́нгелы све́тлый пра́здник соста́вити / собо́ра их Божественнаго / и купно песнь Бо́гу воспѣти трисвяту́ю.

Под кров Божественных ны крил твои́х прибега́ющия véрою,/ Михай́ле, Божественный у́ме,/ соблюда́й и покрыва́й чрез все жити́е./ И в час, Арха́нгеле, сме́ртный, стра́шный/ ты предста́ни помо́щник всем нам благоприе́мнейший.

Глас 4. Ефре́ма Ка́рийскаго:

Трисо́лнечныя лучи́,/ Божественным Све́том осиява́еми, Архистрати́зи,/ не веще́ственных озра́ете чинонача́лия,/ я́коже свет, белообра́зне показу́ющесея в вь́шних,/ огонь облиста́ете в ми́ре непристу́пнаго Божества́./ Тем и трисвяту́ю песнь пла́менными устна́ми непреста́нно поете́:/ Свят, Свят, Свят еси́, Бо́же наш, сла́ва Тебе́.

Сла́ва, глас 5:

Иде́же осеня́ет благода́ть твоя, Арха́нгеле,/ оттúду диа́воля прогони́тся си́ла,/ не терпи́т бо све́та твоего́ видети спады́ денница́./ Тем мо́лим тя,/ огненосны́я его́ стрéлы, я́же на ны двíжимыя,/ угаси́ ходата́йством твои́м,/ избавля́я нас от собла́знов его́,/ достохва́льный Михай́ле Архистрати́же.

И ны́не, Богоро́дичен:

Блажи́м Тя, Богоро́дице Де́во,/ и сла́вим Тя, véрнии, по до́лгу,/ град непоколеби́мый, стéну необори́мую,/ твёрдую предста́тельница / и прибе́жище душ на́ших.

Славосло́вие вели́кое и отпу́ст.

НА ЛИТУРГИИ

Блаже́нны 1-го канóна песнь 3-я и 2-го песнь 6-я. Прокíмен, глас 4: Твори́й А́нгелы Сво́я дúхи и слуги́ Сво́я пла́мень о́гненный. Стих: Благослови́, душе́ моя, Го́спода: Апóстол ко Евре́ем, зача́ло 305. Аллилúя, глас 2: Хвали́те Го́спода вси А́нгели Его́: Евáнгелие от Луки́, зача́ло 41. Прича́стен: Твори́й А́нгелы Сво́я дúхи:

Собор Архистратига Михаила и прочих Небесных Сил бесплотных. Святые Ангелы обитают на Небе, в мире невидимом, духовном. Там вечный Престол Всевышнего, который окружают все Силы Небесные, озаряемые от Него светом невидимым.

Почитание святых Ангелов в Церкви Божией столь же древнее, как и сама Церковь. Оно не прекращается, начиная с первых времен бытия мира. В Ветхом Завете пророк Моисей, получивший от Бога заповеди, в то же время принял от Него повеление поставить во Святая Свя-

тых золотые изображения Херувимов (Исх. 37, 7—9). В образе Ангелов многократно являлся Сам Бог. Явления святых Ангелов всегда возбуждали в людях высокое благоговение, и места этих явлений были священны.

В Святой Апостольской Церкви непрерывно совершается призывание святых Ангелов и воздается им благоговейное почитание.

Празднование Собора Архистратига Божия Михаила и прочих Небесных Сил бесплотных установлено в начале IV века на Поместном Лаодикийском Соборе, бывшем за несколько лет до I Вселенского Собора. Лаодикийский Собор 35-м правилом осудил и отверг еретическое поклонение Ангелам как творцам и правителям мира и утвердил православное их почитание.

Чины Ангельские разделяются на три иерархии — высшую, среднюю и низшую. Каждую иерархию составляют три чина. В высшую иерархию входят: Серафимы, Херувимы и Престолы. Ближе всех Пресвятой Троице предстанут шестикрылатые Серафимы (Пламенеющие, Огненные) (Ис. 6, 2). Они пламенеют любовью к Богу и других побуждают к ней.

После Серафимов Господу предстанут многоочитые Херувимы (Быт. 3, 24). Их имя значит: изливание премудрости, просвещение, ибо через них, сияющих светом Богопознания и разумения тайн Божиих, ниспосылается премудрость и просвещение для истинного Богопознания.

За Херувимами предстанут Богоносные по благодати, данной им для служения, Престолы (Кол. 1, 16), таинственно и непостижимо носящие Бога. Они служат правосудию Божию.

Среднюю Ангельскую иерархию составляют три чина: Господства, Силы и Власти.

Господства (Кол. 1, 16) владичествуют над последующими чинами Ангелов. Они наставляют поставленных от Бога земных властителей мудрому управлению. Господства учат владеть чувствами, укрощать греховные вождения, поработать плоть духу, господствовать над своей волей, побеждать искушения.

Силы (1 Пет. 3, 22) исполняют волю Божию. Они творят чудеса и ниспосылают благодать чудотворе-

ния и прозорливости угодникам Божиим. Силы помогают людям в несении послушаний, укрепляют в терпении, подают духовную крепость и мужество в прохождении жизненного подвига.

Власти (1 Пет. 3, 22; Кол. 1, 16) подают благодать укрощать силу дьявола. Они отражают от людей бесовские искушения, утверждают подвижников, оберегают их, помогают людям в борьбе со злыми помыслами.

В следующую иерархию входят три чина: Начала, Архангелы и Ангелы.

Начала (Кол. 1, 16) начальствуют над низшими Ангелами, направляя их к исполнению Божественных повелений. Им поручено управлять вселенной, охранять страны, народы, племена. Начала наставляют людей воздавать каждому честь, подобающую его званию. Учат начальствующих исполнять должностные обязанности не ради личной славы и выгод, а ради славы Божией и для пользы ближних.

Архангелы (1 Сол. 4, 16) благоествуют о великом и преславном, открывают тайны веры, пророчества и разумение воли Божией, укрепляют в людях святую веру, просвещая их ум светом Святого Евангелия.

Ангелы (1 Пет. 3, 22) наиболее близки к людям. Они возвещают волю Божию, наставляют людей к добродетельной и святой жизни. Они хранят верующих и удерживают от греховных падений, восставляют падших, никогда не оставляют нас и всегда готовы помочь, если мы пожелаем.

Все чины Небесных Сил носят общее название Ангелов — по сути своего служения. Ангел — значит вестник, посланник. Господь открывает Свою волю высшим Ангелам, а они просвещают низших.

Над всеми девятью чинами поставлен Господом святой Архистратиг Михаил (имя его в переводе с еврейского — «кто, как Бог») — верный служитель Божий, ибо он низринул с Неба возгордившегося Денницу с другими падшими духами. Обращаясь к остальным Ангельским Силам, он воскликнул: «Вонмем! Станем добре пред Создателем нашим и не помыслим неугодного Богу!»

С древних времен прославлен своими чудесами Архангел Михаил на Руси. Предстательства за города русские Пресвятой Царицы Небесной всегда осуществлялись Ее явлениями с Воинством Небесным, под предводительством Архистратига. Благодарная Русь воспела Пречистую Богородицу и Архангела Михаила в церковных песнопениях.

Из Священного Писания и Священного Предания известны также Архангелы: Гавриил — крепость (сила) Божия, провозвестник и служитель Божественного всемогущества (Деян. 8, 26; Лк. 1, 26); Рафаил — врачевание Божие, целитель человеческих недугов (Тов. 3, 17; 12, 15); Уриил — огонь или свет Божий, просветитель (3 Езд. 5, 20); Салафиил — молитвенник Божий, побуждающий к молитве (3 Езд. 5, 16); Иегудиил — славящий Бога, укрепляющий труждающихся для славы Господней и ходатайствующий о воздаянии им за подвиги; Варахиил — раздатель благословения Божия на добрые дела, ходатай, испрашивающий людям милости Божии; Иеремиил — возвышение к Богу (3 Езд. 4, 36).

Блаженство Ангелов состоит в лицезрении Бога, в созерцании Его славы. Ангелы знают Бога непосредственно. Они «выну видят лице Его» (Мф. 18, 10). Но этим непосредственным созерцанием совершенств Божественных не ограничиваются познания Ангелов. Они видят Бога и в природе тварной. Они хвалили Господа Творца «гласом велиим» в то время, когда сотворены были звезды и другие светила небесные (Иов. 28, 7). Пред их умными очами открывается как мироправление Божие, так и Домостроительство нашего спасения. Но таинство Искупления остается непостижимым и для Ангелов, а также и день последнего Суда, когда «приидет Сын Человеческий в славе Своей и вси святии Ангели с Ним» (Мф. 25, 31). Не выходя за пределы разумения, им назначенного, они предстоят благоговейно пред Престолом Божиим и непрестанно славословят дивное Имя Его. В этом славословии состоит вся жизнь их по отношению к Богу.

По примеру Ангелов и мы можем углубляться, по мере сил наших, в тайны Божественного мироздания и мироправления. У нас есть ум, позна-

ющий Бога в природе видимой и духовной. Судьбы Божии в мире сотворенном постигаются и нами. Повсюду мы можем видеть премудрость, благость и всемогущество Божие, и благоговеть пред Его совершенствами. Особенно должны благоговеть мы пред тайной Домостроительства нашего спасения.

Ангелы со страхом и трепетом предстоят пред Престолом Божиим; и мы должны со страхом соделывать наше спасение. Славословие Божие да будет постоянным и вечным занятием нашим, вместе с Ангелами, в Царстве Отца Небесного.

Кроме исполнения обязанностей к Богу, мы можем подражать Ангелам и в исполнении обязанностей их к людям. Ангелы посылаются в помощь людям, особенно тем, которые желают наследовать спасение (Евр. 1, 14). Они служат нам во всех наших нуждах, душевных и телесных. Нужно ли кому избавиться от врагов, нападающих на нас, Ангелы Господни, ополчаются «окрест боящихся Его» для их избавления (Пс. 33, 8). Желает ли кто освободиться от болезней и других скорбей, — Господь посылает Ангела, исцеляющего и спасающего. Нужно ли удалить кого от несчастья, греха и соблазна, — Ангел является освободителем и спасителем. На скрижалях священной истории мы видим многочисленные примеры, в которых Ангелы представляются благодетелями рода человеческого, помощниками, наставниками и руководителями.

Ангелы Божии, как чистый духовный свет, устраняются от нас, когда греховная тьма облекает наши души. Как в мире видимом лучи солнца при всем своем блеске и сиянии не проникают грубейших тел, так и в невидимом — Ангелы Божии, заимствующие свой свет от Присущного Солнца, от Самого Источника Света, являются лишь чистым душам. Как огонь возжигается от огня, свет от света, так и духовное соприкосновение к нам Ангельского света делается ощутительным только тогда, когда в духе нашем возгорается огонь чистой любви к Богу и свет веры.

Они приближаются к нам по мере того, как мы приближаемся к Богу, и удаляются от нас, когда мы удаляемся от Бога.

Они не могут изливать своих сил там, где начинается темная область, ибо «что общего у света с тьмою?» (2 Кор. 6, 14). Настоящая жизнь наша есть непрестанная и продолжительная брань. Мы находимся здесь между двумя противоположностями: между Небом и адом, между Жизнью и смертью, между Светом и тьмою. Небесные Ангелы действуют в сынах Света, хотящих наследовать спасение, а дух злбы поднебесный—в сынах противления. И те, и другие силы постоянно стремятся привлечь нас к себе, поскольку свободная воля человека может и сопротивляться, и последовать этому влечению.

Как для нашего внешнего благосостояния необходимо, чтобы одни были руководителями других, чтобы мудрые вразумляли неразумных, имеющие от Бога дарованную власть ограждали и защищали слабых от насилий и притеснений врагов, так и для устройства нашего внутреннего состояния необходимо, чтобы Ангелы, предстоящие Престолу Божию, облегчали наше к Нему шествие, ограждали нас от нападения духа злбы, который есть враг и Бога, и человека, который непрестанно бросает в нас разжженные стрелы, «ходит, как рыкающий лев, ища кого поглотить» (1 Пет. 5, 8), не дремлет

даже и во время нашего сна (Мф. 13, 25). Потому Святая Церковь Христова и умоляет Господа Сил, чтобы Он послал нам Ангела мирна, верна, наставника и хранителя душ и телес наших. По особенной любви к христианам, Господь дал каждому из них Ангелов-Хранителей. Одни сопровождают нас от рождения, другие—от святого Крещения. Когда необходима бывает посторонняя помощь для нас, то являются Ангелы с этой благовременной помощью. Воспомявая о помощи Ангелов, мы не можем не благоговеть пред ними, и особенно пред Богом, помогающим нам чрез них. Господь наделил их такими силами и средствами, при которых они могут исполнять волю Его. Он указывает им на земле и время и место и лиц, которым нужно оказать Небесную помощь; и Ангелы как слуги Его охотно являются на землю.

Человеческая природа, как и ангельская, обладает разумом и волей. Мы имеем все возможности для достижения совершенства. Если человек, исполняя повеление Творца, направляет свою волю к добру, славит Господа всей своей жизнью, всем существом своим радостно служит Богу и людям, то уже в этой жизни он становится ангелоподобным.

